


# نقط حمراء

ليونان بالعامية المصرية

للشاعر / اشرف الكردي



أهدي هذا العمل



مع تحيات الشاعر

أشرف الكردي

للتواصل

٠٦٤٣٤٥٧٣٢٦ - ٠١٠٧٤٤٣٨٨٦



إهداء إلى..



## إهداء

إلى أغلي ما ف الحياه أبي و امي بارك الله فيهما

إلى إخواني الأعزاء

إلى قُرَّتَا عيني خالد و إسراء

إلى زوجتي الحبيبه

إلى كل قارئ و محب للأدب

أهدي هذا العمل

أشرف الكردي





يا عبير القلب  
يا حبي الكبير  
أشرقني للشمس  
غنواية أسير  
اكتب لي بقلبي اسمك  
تشرق الشمس لعبير  
من شفايفك قلبي شايك  
بسمه لزهور الربيع  
والجمال اللي ف عيونك  
سحره سبحان البديع  
وف حدودك لحن عودك  
خل كل الكون يغير

يا عبير القلب  
يا حي الكبير  
أشرفي للشمس  
غنواية أسير  
و اكتب لي بقلبي اسمك  
تشرق الشمس العبير

من / اشرف الكردي  
الى / .....

تساؤل



هز الهوى..  
ورق الشجر  
نزلت دموع البحر..  
ع الليل و القمر  
نزلت حروف الخوف..  
بدموعنا تتوضى  
لو قلبنا مباكاش  
يبقى الضمير صدا  
لو دمننا ما صحاش..  
تبقى العروق بارده

يا كل شير ف وطن  
عرفت دموعه المحن  
هي العراق منا  
ولا بلاد شاردہ

رتوش





حصان

عروسه

دموع محبوسه

و كلام بيدور

على أرض الزور

وسنيننا عجاف

وسنابل حلم

بتلم الحُسن الدبلان

و قفز النخل

الطير رح تاكل من راسك

(١٧)

و تقد خلاصك  
و هتكسر فاسك  
و تسييك  
بين الأغوات  
تتسلى و تلعب بالحكايات  
ف دموع ..  
محبوسه  
و حصان ..  
و عروسه  
صدقني يا صاحبي

الحلم هناك  
بره الشباك  
متعلق ف الابريق  
و مالوشي بريق  
محتاج لعيون  
لا تخون ف طريق  
محتاج لصديق  
و لقلب برئ  
صدقني ساعتها..  
هيزول القهر

و هيطلع من الأبريق..

الفجر

و هيطلع ..

م الأبريق الفجر

أمنيات



(١)

الضل راسم..

حلم ..

في عيونا متبعتر

يا مين يجيب سُكْرُ

و يحلي مر السُكاتُ

(٢٣)

(٢)

كانوا البنات  
ييلعبوا الأولى  
على ناصية الحاره  
ساعة ما دق الجرس  
كان الأدان عالي  
سمع ودان الحرس  
و النخل ف العالي  
طلعوا الفراعنه

(٢٤)



مياوات..  
توايت بنفسج..  
زهرا م الحزن  
جرن الزتون أتحرق  
طار الحمام منه  
كان القسَم  
بيرددوه أغوات  
نزلوا البنات  
تملى القلل  
والدم نازل

ع المرائل للبدل  
و خزانة البنك السويسري  
ممنونه من كل العرب

(٣)

و كأننا مش من هنا  
و كأن هذا الدم مش دمي أنا  
ولا أرضنا ..  
ولا عرضنا..  
ولا أم كانت ..  
جوه حضن تضمنا  
ولا بيت حطانا تلمنا  
و كأننا مش من هنا

(٢٧)

سنة



من كام سنه ..

و إحنا هنا

بندور..

ف نفس الدايره من تاني

الملك ..

اللي قالولي انه ملك..

بيدوروه بالزميلك

نفس الكروش

نفس العروش

ميت ألف بوش  
بس اللي عايزين نفهمه  
إن إحنا اقوي م الطوفان  
وإحنا بنحط النهايه للوحوش ..  
وادي التاريخ..  
شاهد على مر الزمن  
إن إحنا اقوي م الحن  
و إن التار اللي اندفن ..  
على أرضنا  
راح يندفن تاني هنا

توضیح





لو ....  
يا ريت  
وحطام م البيت..  
شخايط  
الدار مش دارك  
ولا هي الدار  
اللي انتي غاويها  
ليه ترسم أحلامك فيها  
والعلم..  
إن إنتي الضايح فيها

رغم انك عارف..

حكاويها

مين اللي بيهدم ..

معانيها

مين اللي بانيها

لساك بدور على اسمك

وسط الحكايات

ميت تعلب فات..

يهدم فيها

ويعلي تاريخه على حسابك

(٣٥)

و قفلت الباب على أحبابك  
ورضيت تستسلم لإيديهم  
و تدور عن حلمك فيهم  
لساك يا عبيط  
بتغمي عنيك عن بلاويهم  
حكايتهم بانة و خلاص  
وشهم العجري المتداري  
كان عيب ف الناس  
الدم المهدور من دمك  
بيقولك..

شيل ( لزقة دُلك )  
يعملك ميت الف حساب  
ارجع لكتابك..  
خبط على بابك..  
يطلعلك كل الأحباب

ألبوم صور



ألبوم صور  
فيه الشجر  
فيه المطر  
و البحر والليل و القمر  
فيه السلاسل و الغلال  
و تلال سيوف  
و رجال جبال  
فَ متحنيشي للضلال  
النوم معشش ع النجوم  
و هموم تسلمنا لهموم



إرجع لألبوم الصور  
إصحى و صحى الناس معاك  
و اعرف بأن الملحمه  
راح تبتدي  
هنا أو هناك

إستنباط



طوق  
وقمر مخنوق  
وحقوق  
و لحد ما يجي الفجر  
اتوضى..  
استغفر ربك..  
ربة يهدينا  
تشتد جذور القوميه  
يمكن تحقق..  
في القنوات الفضائيه

احلام العصفير ع الشجره

و تذيب في كليب..

( لنانسي الطاهره )

أحلام الأمه العربيه

و الزرع الحالم

يرجع غانم بالمطره

ربنا يهديه

رسالة الى .....



وقفين طابور ..  
مستنين الموت  
البحر دار..  
بيهز كل الميتين م الخير  
اسرار تبوح ع البر..  
في اخر الحواديت  
كان الخفير واقف..  
على تربة الباشا..  
بيحرص البركات  
خواجات كتير اتخانوا..



على عمّتك يا با  
لكن مخدهاشي..  
غير حانوتي الناحيه  
طلعت نعوش الشهدا تركي  
و الإمام واقف ييشرب القهوه  
و فتوة النحية..  
بدل دل النبوت  
أحلام كثير ضاعت  
و إتحققت كوايس

فتح الهاويس ع الغيط..

ففرقنا إحنا

الورد كان شوك..

فتح على جروحنا

البحر حر برئ

و الدم من روحنا

و رحنا او جينا..

المجروحين إحنا

معرفش ..



من غير تزوق  
أنا من جوه العالم  
في عداد الأحياء الموتى  
على كوم التيه  
من معبد ..  
ما يبعرقش سجود..  
ولا حتى صلاة  
الرب الحي..  
النازف..  
من غير ضي ..  
ركوع وسجود ..

الدود..  
بيخش ثنايا العقل..  
يموت القلب ..  
و يفضل نبض  
المهضبة..  
تخش الدنيا  
و تنزل مطرة دموع ..  
تغسل من ذنوبي..  
الذنب..  
اللي دعيت الرب بحرقه ..  
و ما غفر هوش

طب ليه المطره ..

الصدفه

بتغسل ..

كل أرادة ..

رب الصدفه ..

لعبد زليل

طب هو الرب ..

اللي الناس بتحبه

يقدر يغفر ذنبه

معرفش

غيبه





أحكم على دمك  
خلية يتحرك جوه عروقك  
و يحس بكل الناس..  
حوّليك  
لو انك تقدر تتحكم ..  
في الصورة البائسه..  
جوه عيونك  
طلعها و فرج كل الناس  
ع الوجع الدايب جوه نافوخك  
و لأنك عارف..  
انك مشكوك ف رجولتك  
ح تخبي حجات الناس عارفها  
(٥٨)

و هـ تحكي حاجات ..  
الناس مش عايزه ..  
تشوفها في صورتك  
رح أسيبك تحكي ..  
و أحكم بعد ما تحكي حكايتك  
و هـ تلقى في زيفك ..  
وفطعم القهوة ..  
و فطعم النفس الطالع من تنهيدتك  
انك راجل ..  
أو انك ..  
مشكوك في رجولتك

إستقراء



(١)

لو انك..  
طالع من عينك..  
أشكال و بحور  
و حاجات..  
تشبه حكايات الجلد السابع ليك  
رح تقدر تعرف حكاويك  
يمكن تعرف!

(٦٢)

(٢)

الحاوي..

اللي بيلعب حواليك

بيحرف في الصورة..

المرسومه ف نن عنيك

و بيلعب في التواريخ ببراءه

وأكيد ح تصدق..

انك من ضمن الجمهور..

متفرج بس

وح تضحك على نفسك

أكيد ح تصقف بحرارة

(٦٣)

(٣)

يمكن يتبل جبينك..  
من ضحك الناس حواليك  
و ساعتها هتعرف..  
إن النعش..  
اللي الناس بتشيله  
لجنازه ما تعرف طعم الموت  
و ساعتها هتعرف..  
إن الصديق الميت فعلا

(٦٤)



ميت فيك.  
وهتكره خوفك م الموت  
ده لإنك فعلا ..  
عاش ميت  
رح أقولك  
لو كنت حقيقي ح تعرف..  
انك فعلا طالع منك  
رح تخرج م الخوف الراكد جواك

خروج ع النص



المسرح فاضي..  
و المشهد محتاح جمهور  
العد النازل..  
تحت الدرك النائم  
فوق رجلك  
رقمك ف الدنيا  
شوف كام مخلوق..  
عاش من قبلك  
الدنيا بتستهلك عمره

رجليك العاجزه تشيل احلامك  
بتسبل صورة عالم  
نفسك تاخذ دور جواه  
الموت اللي معشش  
ف برودة صبرك  
بيحرك كل عقارب ساعتك  
و المخرج حذف الدور ببراعه  
و سمي اللي بيحصل ف الدنيا  
خروج ع النص

# لعبة الحاوى



لو تُقَدِّرِي..

حتِّقَدِّرِي

و تعيدي رسم اللوحه من تاني

حددي..

كل الوجوه الضاله جوانا

يمكن نشوف السكه من تاني

كان الطريق ..

مفروش على صدري



عمري اللي عاش جوايا  
و ماعشتوش  
أحلام بتجمعها الوشوش..  
و الغيم  
والصُدفَة تمسك دفَة المجروح  
و جروح تسلمنا لجروح  
ابطال ورق  
وصاهيل حصان الغرب..  
كش الملك

و قعدنا نلعب بالدفوف و الزار  
احلام بتحكمها الصُدف  
و مجور بتهرب م الصَدَف  
هز الهوا دخان سجار الباشا ..  
خاف الطير  
و أنا من زمان..  
باحلم أكون طيار  
ألعب ياخدني الهزار  
على لعبة الحاوي

دموع تدوي العين  
و مرايه بتشوف العجب..  
في الطين  
و حبال تقطع شملنا بسكاكين  
و حمام يولّع في الجرون و الدين  
و ارجع أقولك  
حددي ..  
كل الوجوه الضاله جوانا  
يمكن نشوف السكه..  
من تاني

إلى أبي  
[خالد]



خالد ..  
أنا عارف..  
إن ماحدث خالد في الدنيا  
أنا سميتك خالد ..  
على إسم أبويا الغالي  
بس اللي أنا متأكد منه  
إنك لو وحدث الواحد  
ح تكون خالد  
و ح تدخل..  
جَنّاته الواسعه

لكن يا حبيب قلبي يا غالي  
لازم تسعى  
وتعالي الرايه المرفوعه  
رغم الأوحال المطبوعه  
في عقول الناس  
حيقولوا عليك الأنجاس  
انك وسواس وشيطان خناس  
ورجيم و لائيم..  
بتغير ف المفهيم بمزاجك  
ويقولوا انك إرهابي  
(٨٠)

و إنك شر الأجناس  
ف ميهمكشي كلامهم ..  
إسعى ..

ما تخافشي من الدمم الواسعه  
الدنيا زمامهم

و زمامك حب الرحمن  
ف ماتخذلنيش ..

يا ابني يا خالد

إسعى و جاهد

إرفع راية العزة و كبر



ربك ح يعزك و يصونك  
و أن مره سمعت ادا ان لبيه  
اسعى وعاليه  
و انخي للباري  
وصلي على الهادي نبينا  
و إن مُتْ شهيد انا محتسبك  
عند الرحمن  
و ساعتها ح أقول..  
انك خالد  
يا أبني يا خالد

## محتويات الديوان

م	اسم القصيدة	م	اسم القصيدة
١	الإهداء عام	٢	الإهداء الخاص
٣	اهداء الى...	٤	
٥		٦	
٧		٨	
٩		١٠	
١١		١٢	
١٣		١٤	
١٥		١٦	
١٧		١٨	